

Melayu berniaga:

BH 24 APR 1990

PM kesal Tunku

IPOH, Isnin — Datuk Seri Dr Mahathir Mohamad kesal terhadap kenyataan Tunku Abdul Rahman bahawa orang Melayu harus menyerahkan sepenuhnya bidang perniagaan kepada kaum Cina, dan menasihatkan beliau supaya jangan membuat kenyataan yang boleh merendahkan maruahnya di kalangan rakyat terutama orang Melayu.

Perdana Menteri berkata, kerana sikap Tunku itulah yang menyebabkan orang Melayu dan Umno selama ini telah hilang kepercayaan terhadapnya.

Beliau berkata, usaha kerajaan melatih dan mendedahkan orang Melayu kepada bidang perniagaan sejak tahun 1969 telah berjaya melahirkan ramai peniaga Melayu yang berjaya malahan ada yang boleh menandingi kaum-kaum lain.

Sebaliknya jika pendirian Tunku Abdul Rahman yang

menjadi Perdana Menteri sebelum itu bahawa orang Melayu hanya layak menjadi kakitangan kerajaan dan orang Cina pula berniaga, sudah pasti sampai bila-bilapun orang Melayu tidak akan dapat menguasai bidang perniagaan.

Beliau berkata demikian kepada pemberita ketika diminta mengulas mengenai kenyataan Penasihat Parti Semangat 46 itu, selepas majlis berbuka puasa di Kediaman Menteri Besar, di sini malam ini.

Sebelum itu beliau telah mengadakan pertemuan dengan anggota-anggota jawatankuasa Pergerakan Pemuda Umno Perak.

Ketika ditanya sama ada pendirian Tunku Abdul Rahman itu mencerminkan pendirian Parti Semangat 46, Datuk Seri Dr Mahathir berkata: "Sebagai penasihat, tentulah sedikit sebanyak

pemikiran itu dikongsi oleh parti tersebut".

Datuk Seri Dr Mahathir kesal terhadap tindakan Tunku Abdul Rahman membuat kenyataan itu, yang menurutnya, telah dengan sendirinya merendahkan martabat Presiden Umno yang pertama itu sebagai pejuang kebangsaan dan Baba Kemerdekaan.

"Sebenarnya tidak ada apa-apa yang baru mengenainya (pendirian Tunku) kerana dari dahulu lagi, itulah pendirian beliau iaitu orang Melayu tidak ada kemampuan memasuki bidang perniagaan, dan oleh itu harus menjadi kakitangan kerajaan sahaja dan orang Cina pula mengendalikan perniagaan," tambah beliau.

Perdana Menteri berkata, walaupun Tunku Abdul Rahman dilaporkan telah memafikan la-

LIHAT MUKA 2

'Kita mahu kenang Tunku sebagai pejuang negara'

DARI MUKA 1

poran itu tetapi "kita tahu bahawa itulah pendirian Tunku sejak dahulu lagi".

"Kita ingin mengingati Tunku sebagai pejuang Kemerdekaan dan Bapa Malaysia. Kita tidak ingin mengingati beliau dengan perkara-perkara yang tidak dipersetujui oleh kita sejak dahulu yang menyebabkan kita hilang kepercayaan terhadap Tunku sejak tahun 1969," tambah beliau.

Tunku Abdul Rahman dilaporkan berkata dalam satu temuramah dengan akhbar berbahasa Cina — *Nanyang Siang Pau* Singapura — bahawa orang Melayu, yang tidak pandai berniaga kerana tidak diberi latihan, harus menyerahkan pengurusan bidang perniagaan kepada orang Cina yang memang pandai dalam bidang itu.

Bekas Perdana Menteri itu juga dilaporkan berkata, dengan cara itu, kerajaan dapat mengutip lebih banyak cukai daripada bidang perniagaan.

"Kita sedar bahawa memang orang Melayu lemah dalam bidang perniagaan tetapi sekiranya tidak dilatih, bagaimana mereka hendak pandai. Orang Cina pun dahulunya hanya menjalankan perniagaan keluarga tetapi setelah dilatih dalam bidang koporat, mereka kini berjaya," kata beliau.

Da'uk Seri Dr Mahathir berkata, melalui latihan, hari ini ramai orang Melayu yang mencemburi bidang perniagaan secara besar-besaran.

"Kalau tidak diberi latihan bagaimana kita dapat melahirkan ahli perniagaan seperti Tan Sri Azman Hashim (Pengerusi Arab Malaysian Merchant Bank) dan Tan Sri dan Tan Sri Shamsuddin Abdul Kadir (Pengerusi Sapura Holdings)," tambah beliau.

Kepada saranan pemberita mungkin usia yang tua membuat Tunku mengeluarkan kenyataan sebegitu, Perdana Menteri berkata:

"Kalau begitu adalah lebih baik bagi beliau supaya tidak membuat sesuatu yang boleh menyebabkan beliau tidak dihormati, kerana kita mahu menghormatinya.

"Saya secara peribadi ingin menghormati beliau sebagai seorang yang lebih tua daripada saya, walaupun beliau tidak sukakan saya.